

Izjava o boravku i samoizdržavanju

Ime:

Osobna identifikacija/ cpr.nr.:

Ovim izjavljujem da ću aktivno raditi na tome da obezbijedim samoizdržavanje, aktivno sudjelovanje i doprinos danskom društvu za mene, i moju djecu, i supružnika / partnera koji žive ovdje.

Stoga izjavljujem sljedeće:

- U svakom pogledu ću se pridržavati danskog zakonodavstva i poštovati danske demokratske principe.
- Priznajem da su danski jezik i poznavanje danskog društva ključ za dobar i aktivan život u Danskoj.
- Priznajem da su pojedinačni građani i porodice odgovorni za svoje izdržavanje.
- Priznajem da muškarci i žene imaju jednake dužnosti i prava u Danskoj, i da i muškarci i žene moraju doprinositi društvu. Muškarci i žene imaju isto pravo - a u nekim slučajevima i dužnost - da se obrazuju i rade, isto kao što muškarci i žene imaju isto pravo da učestvuju u demokratskim procesima. I muškarci i žene imaju obavezu plaćanja poreza i roditeljske odgovornosti prema svojoj djeci.
- Znam da vršenje nasilja i protivpravne prinude nad supružnikom i drugima, uključujući djecu, predstavlja krivično djelo u Danskoj.
- Priznajem da u Danskoj moraju postojati jednako poštovanje i razvojne mogućnosti za svu djecu - i djevojčice i dječake - tako da mogu odrasti i postati aktivni i odgovorni građani, koji su sposobni da sami donose svoje odluke. Ja ću se pobrinuti da moja djeca dobiju najbolji mogući odgoj i školovanje, i da aktivno učestvuju u danskom društvu. Između ostalog, ja ću se postarati da moje dijete uči danski što je prije moguće i da stekne znanja i vještine kroz školovanje, i aktivno ću sarađivati sa dječjim vrtićem ili školom.
- Znam da obrezivanje djevojčica i upotreba prinude prilikom sklapanja braka predstavljaju krivična djela u Danskoj.

- Poštujem slobodu i osobni integritet pojedinca, rodnu ravnopravnost i slobodu vjerovanja i izražavanja, što je fundamentalno u Danskoj.
- Znam da su, između ostalog, polna diskriminacija ili diskriminacija zbog boje kože, i prijetnje i ismijavanje drugih zbog, npr., vjere ili seksualne orijentacije krivična djela u Danskoj.
- Priznajem da dansko društvo strogo osuđuje terorizam. Znam da onaj koji je svjestan namjere izvršenja zločina, koji predstavlja opasnost po ljudski život, ili dobrobit, ili opasnost za značajne društvene vrijednosti, u načelu je dužan učiniti ono što je u njegovoj ili njenoj moći da bi spriječio/la zločin ili njegove posljedice, ako je potrebno prijavom policiji, i da propust da se to učini može biti kažnjen novčanom kaznom ili kaznom zatvora do 3 godine, ako je krivično djelo počinjeno ili pokušano.
- Priznajem da je aktivan angažman preduslov za učešće i doprinos danskom društvu, bez obzira koliko dugo moj boravak u zemlji može trajati.
- Znam da je okvir za moj boravak u Danskoj definisan osnovom mog boravka, gdje se za neke grupe prije svega radi o privremenom boravku.
- Znam da izbjeglice, po pravilu, nemaju pravo na boravišnu dozvolu, ako su se uslovi u matičnoj zemlji promijenili na takav način da potreba za zaštitom više ne postoji i da se mogu vratiti kući. Znam da osobe koje su došle putem spajanja porodice s izbjeglim licem, u pravilu, nemaju pravo na boravišnu dozvolu, ako potreba za zaštitom izbjeglog lica koje živi ovdje više ne postoji. Znam da se privremena boravišna dozvola može oduzeti ili da se njeno produženje može odbiti.
- Znam da aktivno učešće, doprinos danskom društvu i napor da se sam/a izdržavam, takođe može biti prednost u vezi s povratkom u moju domovinu.
- Znam da kao stranac koji živi ovdje mogu, u skladu sa zakonom o repatrijaciji, podnijeti zahtjev za novčanu pomoć za povratak u prvobitnu domovinu, ili bivšu zemlju boravka, ako to u jednom trenutku budem želio/željela.

Ja sam - kao novopridošli stranac - osim s ovim, upoznat s tim da za novopridošle strance važi sljedeće:

(Dolenavedene stavke odnose se samo na novopridošle strance koji potpisuju izjavu)

- Ja ću učiti danski jezik i steći znanje o danskom društvu što je prije moguće. Znam da mogu da učim danski pohađajući nastavu danskog jezika, koju mi nudi općina.

- Radiću na tome da što prije budem u stanju da sam/u sebe izdržavam kroz sudjelovanje u tržištu rada. Znam da učestvovanje u aktivnostima, koje su opisana u mom ugovoru s općinom, mi može pomoći da ostvarim redovno zaposlenje i postanem sposoban da se sam izdržavam.
- Znam da je produženje moje boravišne dozvole uvjetovano daljnjim postojanjem osnove za boravišnu dozvolu, i da izbjeglice, u načelu, nemaju pravo na boravišnu dozvolu, ako potreba za zaštitom više ne postoji i ako se mogu vratiti kući. Znam da osobe koje su došle putem spajanja porodice s izbjeglim licem, u pravilu, nemaju pravo na boravišnu dozvolu, ako potreba za zaštitom izbjeglog lica koje živi ovdje više ne postoji.

Datum:

Potpis: